

<

苑詩類選卷之六

明監察御史包節輯按察司知事前給事中王交校

應制部二

歲時 天文

○獻歲宴宮臣

隋煬帝

三元建上京六佾宴吳城朱庭容衛肅青天春氣明朝
光動劒彩長階分珮聲酒闌鐘磬息欣觀禮樂成

奉和前聖製

虞世南

履端初啓節長苑命高筵肆夏喧金奏重潤響朱絃絲
光催柳色日彩泛槐煙微臣同濫吹謬得仰鈞天

奉和元日

蕭愨

帝宮通夕燎天門拂曙開瑞雲生寶鼎榮光上露臺華
山不凋葉宜城萬壽杯遙見飛鳧下懸知鄴縣來

元日

唐太宗

高軒暖春色邃閣媚朝光彤庭飛彩旆翠幌曜明璫
恭已臨四極垂衣馭八荒霜戟列丹陛絲竹韻長廊穆
矣薰風茂康哉帝道昌繼文遵後軌循古鑒前王草秀
故春色梅艷昔年粧巨川思欲濟終以寄舟航

奉和前聖製應制

許敬宗

天正開初節日觀上重輪百靈滋景祚萬玉慶惟新
待旦敷玄造韜旒御紫宸武帳臨光宅文衛象鈞陳
廣廷

楊九奏大帛麗三辰發生同化育播物體陶鈞雲空澄
曉氣霞景瑩芳春德暉覃率土相賀奉還淳

元日恩賜栢葉應制

李乂

勁節陵冬勁芳心待歲芳偏令人益壽非止麝含香

又

趙彥昭

器乏雕梁器材非構厦材但將千載葉常奉萬年杯

又

武平一

綠葉迎春綠寒枝歷歲寒願持栢葉壽永奏萬年歡

○人日侍宴大明宮恩賜綵縷入勝應制

李嶠

鳳城景色已含韶
人日風光倍覺饒
桂吐半輪迎此夜
莫開七葉應今朝
魚猜水凍行猶澁
鶯喜春熙哢欲嬌
愧奉登高搖彩翰
欣承御氣上丹霄

又

沈佺期

拂旦雞鳴仙衛陳
憑高龍首帝城春
千官黼帳杯前壽
百福香奩勝裏人
山鳥初來猶怯轉
林花未發已偷新
天文正應韶光轉
設報懸知用此辰

又

李適

朱城待鳳韶年至
碧殿蟠一作龍淑氣來寶帳
金屏人已帖圖花
學鳥勝初栽林香近
接宜春苑山翠遙
添獻壽

杯向夕憑高風景麗
天文垂曜象昭回

又

李义

詰旦行春上苑中
憑高御下大明宮
千年執象寰瀛泰
七日為人慶賞隆
鐵鳳曾騫搖瑞雪
銅烏細轉入祥風
此時朝野歡無筭
此歲雲天樂未窮

又

鄭愔

瓊殿含光映早輪
玉鑿初躡望初晨
池開凍水仙宮麗
樹發寒花禁苑新
佳氣徘徊籠細網
殘雲浙瀝染輕塵
良時荷澤皆迎勝
窮谷晞陽猶未春

又

趙彦昭

寶契無為屬聖人
瑤輿出幸詭芳辰
平樓半入南山霧
飛閣旁臨東墅春
夾路穠花千樹發
垂軒弱柳萬條新
處處風光今日好
年年願奉屬車塵

又

劉憲

禁苑韶光此日歸
東郊道上轉青旂
柳色梅芳何處所
風前雪裏覓芳菲
開冰池內魚新躍
剪綵花間燕始飛
欲識王遊幸陽氣
為觀天藻競春暉

又

韋元旦

鸞鳳旌旗拂曉陳
魚龍角觝大明辰
青韶既肇人為日
綺勝初成日作人
聖藻陵高裁栢賦
仙歌促宴摘梅春

垂旒一慶宜年酒
朝野俱歡薦壽新

又

馬懷素

萬宇千門平旦開
天容辰象列昭回
三陽候節金為勝
百福延祥玉作杯
就暖風光偏著柳
辭寒雪影半藏梅
何幸得參詞賦職
自憐終乏馬卿才

又

蘇頲

疏龍磴道切昭回
建鳳旗門繞帝臺
七葉仙萸承月吐
千株御柳拂煙開
初年競帖宜春勝
長命先浮獻壽杯
是日最靈知竊幸
羣心就捧大明來

又

閻朝隱

勾芒人面乘兩龍道是春神衛九重綵勝年年逢七日
醱醱歲歲滿千鍾宮梅間雪祥光徧城柳含煙瑞氣濃
醉倒君前情未盡願因歌舞自為容

又

崔日用

新年宴樂正東朝鐘鼓鏗鏘大樂調金屋瑤筐聞寶勝
花綵彩筆頌春椒曲池苔色冰前液上苑梅香雪裏嬌
宸極此時飛聖藻微臣竊抃預聞韶

○正月十五夜應制

孫逖

洛城三五夜天子萬年春彩仗移雙闕瓊筵會九賓舞
成蒼頡字燈作法王輪不覺東方日遙隨玉藻新

○早春桂林殿應詔

陳叔達

金鋪照春色玉律動年華朱樓雲似蓋丹桂雪如花水
岸銜堦轉風條出柳斜輕輿臨太液湛露酌流霞

奉和初春

上官儀

步輦出披香清歌臨太液曉樹流鶯滿春堤芳草積風
色翻露天雪華上空碧花蝶來未已山光暖將夕

立春日遊苑迎春

唐中宗

神臯福地三秦邑玉臺金闕九仙家寒冰猶懸甘泉樹
淑景催臨建始花綵蝶黃鶯未歌舞梅香柳色已矜誇
迎春正啓流霞席暫矚曦輪勿遽斜

又應制

崔日用

乘時迎氣正璿衡
灞漭煙氛向曉清
剪綺裁紅妙春色
宮梅殿柳識天情
瑤筐彩燕先呈瑞
金縷晨雞未學鳴
聖澤陽和宜宴樂
年年捧日向東城

又

韋元旦

灞涘長安常近日
殷正臘月早迎新
池魚戲葉仍含凍
宮女栽花已作春
向苑雲疑承翠幄
入林風若起青蘋
年年斗柄東無限
願祀瓊觴壽北辰

又

馬懷素

玄籥飛灰出洞房
青郊迎氣肇初陽
仙輿暫下宜春苑

御醴行開薦壽觴
映水輕苔猶隱綠
綠堤弱柳未舒黃
惟有栽花飾簪鬢
相隨聖藻狎年光

又

閻朝隱

管籥周移袞極裏
乘輿望幸斗城闈
草根未結青絲縷
蘿葦猶隨綠帟巾
鵲入巢中言改歲
燕銜書上道宜新
願得長繩繫取日光臨
天子萬年春

○初入秦川路逢寒食

唐玄宗

洛川芳樹映天津
灞岸垂楊窳地新
直為輕過行樂處
不知虛度兩京春
去年餘閏今春早
曙色和風着花草
可憐寒食與清明
光輝併在長安道
自從關內入秦川

爭道何人不戲鞭公子途中妨蹴鞠佳人馬上廢鞦韆
渭水長橋今欲度忽忽漸見新豐樹遠看驪岫入雲霄
預想湯池起煙霧煙霧氛氤水殿開暫拂香泉歸去來
今歲清明行已晚明年寒食更相陪

奉和前聖製

張說

上陽柳色換春歸臨渭桃花拂水飛
揔為朝廷巡幸去頓教京洛少光輝
昨從分陝山南口馳道依依漸花柳
入關正投寒食前還京遂落清明後
路上天心重豫遊御前恩賜特風流
便幕那能鏤雞子行宮善巧帖毛毬
渭橋南渡花如撲麥隴青青斷人目
漢家行樹直新豐

秦地驪山抱温谷温谷香池春
涵平預歡浴日照京城
今歲隨宜過寒食來年陪宴作清明

寒食應制

韋承慶

鳳條春色滿龍禁早輝通舊火收槐燧
餘寒入桂宮鶯啼正隱葉雞鬪始開籠
鵲搖山滿仙歌始樂風

又

張說

寒食春過半花穠鳥復嬌從來禁火日
會接清明朝闔敵雞殊勝爭毬馬絕調
晴空數雲點香樹百風搖改木迎新燧
封田表舊燒皇情愛嘉節傳曲與簫韶

○三日侍林光殿曲水宴

梁簡文帝

芳年留帝賞應物動天襟挾苑連金陣分衢度羽林帷
宮對廣掖層殿邇高岑風旗爭曳影亭罕共生陰樹花
初墮蒂池荷欲吐心

又

劉孝綽

薰被三陽暮濯禊元已初皇心曠樂飲帳殿臨春渠豫
遊高夏諺凱樂盛周居復以禁林日丰茸花樹舒羽觴
環階轉清瀾傍席踈妍歌已嘹亮妙舞復紆餘九成變
絲竹百戲起龍魚

又

沈約

宴鎬鏘王鑿游汾舉仙輶榮光泛彩旄脩風動芝蓋淑

氣婉登晨天行聳雲旆帳殿臨春籞帷宮繞芳薈漸席
周羽觴分墀引迴瀨穆穆玄化升濟濟皇階泰將御遺
風軫遠待瑤臺會

三日侍蘭亭曲水宴

庾肩吾

榮星依夜動鑿駕總朝遊旌門臨苑樹相風出鳳樓春
生露泥泥天覆雲油油桃花舒玉澗柳葉暗金溝襍川
分曲洛帳殿掩芳洲踴躍頽魚醉參差絳棗浮百歲俱
臨水千鍾共逐流

三日華林園公宴

邢子才

迴鑿自樂野弭蓋屬瑤池五丞接光景七友樹風儀芳

春時欲遽覽物惜將移
新萍已冒沼餘花尚滿枝
草滋徑蕪沒林長山蔽虧
芳筵羅玉俎激水漾金卮
歌聲斷且續舞袖合還離

三日侍宴宣猷堂曲水

江惣

上巳娛春禊芳辰喜月離
北宮命簫鼓南館列旌麾
繡柱擎飛閣雕軒傍曲池
醉魚沉遠岫浮棗漾清漪
落花懸度影飛絲不礙枝
樹動丹樓出山斜翠磴危
禮周羽爵徧樂闋光陰移

奉和三日後禊渭濱

韋嗣立

乘春被禊逐春光
扈蹕陪鑿渭渚傍
還笑當時水濱老

衰年八十侍文王

又

沈佺期

寶馬香車清渭濱
紅桃碧柳禊堂春
皇情尚憶垂竿佐
天祚先呈捧劍人

又

李义

上林花鳥暮春時
上巳陪遊樂在茲
此日欣逢臨渭賞
昔年空道濟汾詞

又

劉憲

桃花欲落柳條長
沙頭水上足風光
此時御蹕來遊處
願奉年年被禊觴

又

晴風麗日滿芳洲御色春筵
被錦流皆言侍蹕璜溪宴
暫似乘槎天漢遊

徐彥伯

又

張說

青郊上巳艷陽年紫禁皇遊
被渭川幸得歡娛承湛露
心同草樹樂春天

三月三日承恩遊定昆池宮莊得筵字

前人

鳳凰樓下帶天泉鸚鵡洲中
匣管絃舊識平陽佳麗地
今逢上巳盛明年舟將水動
千尋日幕共林橫兩岸煙

不降王人觀楔飲誰令醉舞
拂賓筵

奉和三月三日詔宴樂遊園得風字

前人

樂遊形勝地表裏望郊宮北
闕連雲頂南山對掌中皇
恩貸芳月旬宴美成功魚戲
芙蓉水鶯啼楊柳風春光
看欲暮天澤戀無窮長袖招
斜日雷光待曲終

三日曲水侍宴應制

閻朝隱

三月重三日千春續萬春聖
澤如東海天文似北辰荷
葉珠盤淨蓮花寶蓋新陛下
制萬國臣作水心人

三月三日曲江樓侍宴應制

王維

萬乘親齊祭，千官喜豫遊。
奉迎從上苑，袞向中流草。
樹連容衛，山河對冕旒。
畫旗搖浦溆，春服滿汀洲。
仙籞龍媒下，神臯鳳蹕留。
從今億萬歲，天寶紹春秋。

奉和聖製與太子諸王三月三日龍池春禊之作

前人

故事脩春禊，新宮轉豫遊。
明君移鳳輦，太子出龍樓。
賦掩陳王作，杯如洛水流。
金人來捧劍，畫鷁去迴舟。
苑樹浮宮闕，天池照冕旒。
宸章在雲漢，垂象滿皇州。

奉和聖製上巳於望春亭觀禊飲之作

前人

長樂青門外，宜春小苑東。
樓開萬戶上，輦過百花中。
畫鷁移仙妓，金貂列上公。
清歌邀落日，妙舞向春風。
渭水明秦甸，黃山入漢宮。
君王來袞瀟，漣亦朝宗。

奉和聖製三月三日 陳希烈

上巳迂龍駕，中流泛羽觴。
酒因朝太子，詩為樂賢王。
錦纜方舟渡，瓊筵大樂張。
風搖垂柳色，花發異林香。
野老歌無事，朝臣飲歲芳。
皇情被羣物，中外合恩光。

和湘東王首夏 梁簡文帝

冷風雜細雨，垂雲助麥涼。
竹水俱蔥翠，花蝶兩飛翔。

泥銜復落鳩吟斂更揚卧石藤為纜山橋樹作梁欲待
華池上明月吐清光

奉和夏初應詔

魏彥琛

雖度芳春節物色尚餘華出簾飛小燕映戶落殘花舞
衫飄細縠歌扇掩輕紗蘭房本宜夜不畏日光斜

奉和夏日晚景應詔

楊師道

輦路夾垂楊離宮通建章日落橫峯影雲歸起夕涼雕
軒動流吹羽蓋息廻塘薙草生還綠殘花落尚香青巖
類姑射碧澗似汾陽幸屬無為日歡娛方未央

○秋日應詔

袁朗

玉樹涼風舉金塘細草萎葉落商飈觀鴻歸明月池迎
寒桂酒熟含露菊花垂一奉章臺宴千秋長願斯

秋日即日

唐太宗

爽氣浮丹闕秋光澹紫宮衣碎荷疎影花明菊點叢袍
輕低草露葢側舞松風散岫飄雲葉迷路飛煙鴻砌冷
蘭彫珮闈寒樹隕桐別鶴棲琴裏離猿啼峽中落野飛
星箭弦虛半月弓芳菲夕霧起暮色滿房櫳

奉和前聖製應制

許敬宗

玉露交珠網金風度綺錢昆明秋景澹岐岫落霞然辭
燕歸寒海來鴻出遠天葉動羅帷颺花晚繡衣鮮規空

昇閣魄籠野散輕煙鵲度林光起鳧沒水文圓無機絡
秋緯如管奏寒蟬乃睠情何極宸襟豫有旃

又

上官儀

上苑通平樂神池邇建章樓臺相掩映城闕互相望緹
油泛行幔簫吹轉浮梁晚雲含朔氣斜照蕩秋光落葉
飄蟬影平流寫鴈行槿散凌風縹荷銷裛露香仙歌臨
枵詣玄豫歷長楊歸路乘明月千門開未央

初秋夜坐

唐太宗

斜廊連綺閣初月照宵帷塞冷鴻飛疾園秋蟬噪遲露
結林疎葉寒輕菊吐滋愁心逢此節長嘆獨含悲

奉和前聖製應制

楊師道

玉瑤涼初應金壺夜漸闌滄池流稍潔仙掌露方團鴈
聲風處斷樹影月中寒爽氣長空淨高吟覺思寬

山夜臨秋

唐太宗

煙生遙岸隱月落半崖陰連山驚鳥亂隔岫斷猿吟
奉和前聖製

上官儀

帳殿清炎氣輦道舍秋陰淒風移漢筑流水入虞琴雲
飛送斷鴈月上淨疎林滴瀝露枝響空濛煙壑深

九成宮秋初應制

劉禕之

帝圃疏金闕仙臺駐玉鑾野分鳴鶯岫路接寶雞壇林

樹千霜積山宮四序寒蟬急知秋早鶯踈覺夏闌怡神
紫氣外凝睇白雲端舜海詞波發空驚遊聖難

秋暮言志

唐太宗

朝光浮燒野霜華淨碧空結浪冰初鏡在逕菊方叢約
嶺煙深翠分旗霞散紅抽思茲泉側飛想傳巖中已獲
千箱慶何以繼薰風

奉和前聖製應制

許敬宗

秋深桂初發寒惣菊餘菲波擁羣鳧至秋飄翔鴈歸月
莢生還落雲枝似復飛凝宸閣樓畝觀文佇少微聖敬
韜前括先天諒不違

○七夕應制二首

前人

牛閨臨淺漢鸞駟涉秋河兩年縈別緒一宿慶停梭星
模鈿裏靨月寫黛中蛾柰許今宵度長嬰離恨多

其二

婺閨期今夕蛾輪泛淺潢迎秋伴暮雨待暝合神光薦
枕低雲鬢程態解霓裳喜中愁漏促別後怨天長

奉和七夕兩儀殿會宴應制

李嶠

靈匹三秋會仙期七夕過槎乘人泛海橋渡鵲填河帝
縷升銀閣天機罷玉梭誰言七襄詠重入五絃歌

又

李入

桂宮明夜月蘭殿起秋風雲漢彌年阻星筵此夕同
倏來疑有處旋去已成空睿作鈞天響竟飛在夢中

又

趙彥昭

青女三秋節黃姑七月期星橋渡玉珮雲閣掩羅帷
河氣通仙掖天文入睿詞今宵望雲漢應得見蛾眉

又

劉憲

秋吹過雙闕星僊動二靈更深移月鏡河淺渡雲駟
上微方朔人間失武丁天文茲夜裏光映紫微庭

又

蘇頲

靈媛乘秋發仙裝警夜催月光窺欲渡河色辨應來
機石天文寫針樓御賞開竊觀棲鳥至疑向鵲橋迴

○侍宴九日

庾肩吾

轍迹光周頌巡遊盛夏功鈞陳萬騎轉閭闔九門通
秋暉逐行漏朔氣繞相風獻壽重陽節迴鑿上苑中
疏山閣輦道開樹出離宮玉醴吹巖菊銀牀落井桐
御梨寒更紫仙桃秋轉紅飲羽山西射浮雲冀北
馳塵飛金埒滿葉落柳條空騰猿疑矯箭驚鴈避
虛弓彫材濫杞梓花紱接鸚鵡愧乏天庭藻徒叅文雅雄

又

何遜

皇德無餘讓重規襲帝勛垂衣化比屋卷領慎為君翺
飛悅有道卉木荷平分宸襟動時豫歲序屬涼氛城霞
旦晃朗槐霧曉氛氲鸞和馳八襲鳳駕啓千羣羽籥歌
湛露佾舞奏承雲禁林終宴晚華池物色曠踈樹翻高
葉寒流聚細紋日斜迢遞兩風起差峩雲運偶忝侯服
恩洽厠朝聞於馬籍多幸歲暮仰遊汾晴軒連瑞氣飛
惹御香芬

九日侍宴樂遊苑正陽堂 劉苞

六郡良家子幽并游俠兒立乘爭飲羽側騎競分馳明
珂飾華旄金鞍映玉羈膳羞殫海陸和齊胝秋宜雲飛

雅琴奏風起洞簫吹曲終高宴罷景落樹陰移微薄承
嘉惠歆德良不貲取效績無紀感恩心自知

九日從駕

王褒

黃山獵地廣青門官路長律改三秋節氣應九鍾霜曙
影初分地暗色始成光交旆長秋坂緹幕杏間堂射馬
垂雙帶豐貂佩兩璜苑寒梨樹紫山秋菊葉黃華露霏
霏冷輕飈颯颯涼終慙屬車對空假侍中郎

奉和九日

賀敞

商飈凝素籥玄覽賁黃圖曉霜驚斷鴈晨吹結棲鳥寒
花低岸菊涼葉下庭梧澤宮申舊典相圃叶前模玉砌

分雕戟金溝轉鏤衢帶星飛夏箭映月上軒孤慶展簪
裾洽恩融雨露濡天文發丹篆寶思掩玄珠承歡徒聳
抃受施竊忘軀

九日侍宴應制得長字

沈佺期

御氣幸金方凭高薦羽觴魏文頒菊蕊漢武賜萸房秋
變銅池色晴添銀樹光年年重九慶日月奉天長

九月九日幸臨渭亭登高 唐中宗

九月正乘秋三杯興已周泛桂迎尊滿吹花向酒浮長
房萸早熟彭澤菊初收何藉龍沙上方得恣淹畱

九日侍宴應制

李嶠

令節三秋晚重陽九日歡仙杯還泛菊寶饌且調蘭御
氣雲霄近乘高宇宙寬今朝萬壽引宜向曲中彈

蕭至忠

皇幸三秋暮登高九日初朱旗巡漢苑翠帟俯秦墟寵
極萸房遍恩深菊酎餘承歡何以荅萬億奉宸居

趙彦伯

九日報仙家三秋轉歲華呼鷹下烏路戲馬出龍沙簪
挂丹萸藥杯涵紫菊花所願同微物年年共辟邪

盧懷慎

時和素秋節宸豫紫機開鶴似聞琴至人疑宴鑄還曠

望對平野潺湲俯暝灣無因酬大德空此媿崇班

又

竇希玠

鑾輿巡上苑鳳駕瞰層城御座丹烏麗宸居白鶴驚玉
旗紫桂葉金杯泛菊英九晨陪聖膳萬歲奉承明

又

韋安石

重九開秋節得一動宸儀金風飄菊蕊玉露泫萸枝睿
覽八紘外天文七曜披臨深應在即登高豈慮危

又

蘇瓌

重陽早露晞睿賞瞰秋磯菊氣先薰酒萸香更襲衣清
切絲桐會縱橫文雅飛恩深谷效淺畱醅畏晨暉

又

陸景初

九秋光順豫重節霽良辰登高識漢苑問道侍軒臣菊
花浮秬鬯萸房插縉紳聖化邊陲謐長洲鴻雁賓

又

鄭南金

重陽玉律應萬乘金輿出風起韻虞絃雲開吐堯日菊
花淳聖酒茱香駐衰質欲知恩煦多順動觀秋實

又

于經野

御氣三秋節登高九曲門桂筵羅玉俎菊醴溢芳尊道
渚歸鴻度承雲舞鶴驚微臣濫陪賞空荷聖明恩

又

楊廉

遠目瞰秦垌重陽坐灞亭既開黃菊酒還降紫微星簫
鼓譜仙曲山河入畫屏幸茲陪宴喜無以效丹青

又

閻朝隱

九九侍神仙高高坐半天文章二曜動氣色五星連簪
紱趨皇極笙歌接御筵願因吹菊酒相守百千年

又

韋嗣立

層觀遠沉沉鑿旗九日臨帷宮壓水岸步輦入煙岑枝
上萸新採尊中菊始斟願陪歡樂事長與歲時深

奉和聖製重陽節宰臣及羣官上壽作

王維

四海方無事三秋大有年百生逢此日萬歲願齊天芍
藥和金鼎茱萸插玳筵玉堂開左个天樂動宮懸御柳
踈秋景城鷗拂曙煙無窮菊花節長奉栢梁篇

奉和聖製豐年多慶九日示懷

武元衡

令節寰宇泰神都佳氣濃賡歌禹功盛擊壤堯年豐九
奏碧霄裏千官皇澤中南山淡凝黛曲水清涵空金玉
美王度歡康謠國風睿文垂日月永與天無窮

九日菊花詠應詔

釋廣宣

可訝東籬菊能知節候芳細枝清玉潤繁蕊碎金香爽

氣浮朝露濃姿帶夜霜泛杯傳壽酒應共樂時康以上俱歲時

○發營逢雨應詔

虞世南

豫遊欣勝地皇澤乃先天油雲陰御道膏雨潤公田隴
麥霑逾翠山花濕更然稼穡良所重方復悅豐年

奉和春日途中喜雨

魏知古

皇遊向洛城時雨應天行曠日登巖送陰雲出野迎濯
枝林杏發潤葉渚蒲生絲入綸言喜花依錦字明微臣
忝東觀載筆佇西城

詠雨

唐太宗

罩雲飄遠岫噴雨泛長河低飛昏嶺腹斜足灑巖阿
洑

叢珠締葉起溜鏡圓波漾柳添絲密含吹織空羅

奉和前聖製應詔

許敬宗

舞商初赴節湘燕速迎秋飄絲交殿網亂滴起池漚激
溜分龍闕斜飛灑鳳樓崇朝方決寓宸盼俯凝旒

奉和春日遊苑喜雨應制

李嶠

園樓春正歸入苑弄芳菲密雨迎仙步低雲拂御衣危
花霑易落度鳥濕難飛膏澤登千庾歡情遍九圍

又

李乂

仙蹕九成臺香筵萬壽杯一旬初降雨二月早聞雷葉
向朝隣密花含宿潤開幸承天澤豫無使日光催

○詠春還餘雪應詔

庾信

送寒開小苑迎春入上林
絲條變柳色香氣動蘭心
待花將對酒留客擬彈琴
陪遊愧並作空見奉恩深

喜雪

唐太宗

碧昏朝合霧丹卷暝韜
霞結葉繁雲色凝瓊
遍雪華光樓皎若粉映
幕集疑沙泛柳飛飛絮
粧梅片片花照壁臺
圓月飄珠箔穿露瑤
絮短長階玉藪高下樹
映桐珪累白縈峯蓮抱
素斷續氣將沉徘徊歲
云暮懷琬愧隱德表瑞
佇豐年蓋間飛禁苑鶴
處舞伊川儻詠幽蘭曲
同歡黃竹篇

奉和前聖製應制

許敬宗

嶠州表竒覓闕竹應遐
巡如何御京洛流霞下
天津怒若瓊林曙俄同
李逕春姑峯映仙質郢
路雜歌塵伏檻觀花瑞
稱觴慶久積飄河共瀉
銀委樹還重壁連山分
掩翠綿霄遠韜碧千里
遍浮空五軻咸淪迹機
前暉裂素池上伴凌波
騰華承玉宇凝照混金
娥是日松筠性欣奉栢
梁歌

詠雪

唐太宗

絜野凝晨曜裝墀帶夕暉
集條分樹玉拂浪影泉璣
色灑粧臺粉花飄綺席衣
入扇縈離匣點素皎殘機

奉和前聖製應制

許敬宗

寒雲垂廣幕飄霰下天津無轍方祗至有感瑞花新色
映姑山質舞對洛川神忽奉瑤池詠慙和郢中春

奉和人日清暉閣宴羣臣遇雪應制

李嶠

三陽偏勝節七日最靈辰行慶傳芳蟻升高綴綵人塔
前莫候月樓上雪驚春今日銜天造還疑上漢津

又

宗楚客

窈窕神仙閣參差雲漢間九重中禁啓七日早春還太
液天為水蓬萊雪作山今朝上林樹無處不堪攀

又

李乂

上月登樓賞中天御輦飛後庭聯舞唱前席仰恩輝睿
作風雲起農祥雨雪霏幸陪人勝節長願奉垂衣

又

趙彦昭

出震垂東陸憑高御北辰祥雲應早歲瑞雪候初旬宮
樹千花發塔莫七葉新幸承今日宴長奉萬年春

又

劉憲

輿輦乘人日登臨上鳳涼風尋歌曲颺雪向舞行縈千
官隨興合百福與春并承恩長若此微賤幸輕生

又

蘇頲

樓觀空煙裏芳年瑞雪過苑花齊玉樹池水作銀河七
日祥圖啓千春御賞多輕飛傳綵勝天上奉薰歌

遊禁苑幸臨渭亭遇雪應制

李嶠

同雲接野煙飛雪暗長天拂樹添梅色過樓助粉妍光
含班女扇韻入楚王絃六出迎仙藻千箱荅瑞年

又

李適

長樂喜春歸披香瑞雪霏花從銀閣度絮繞玉窻飛寫
曜銜天藻呈祥拂御衣上林紛可望無處不光輝

又

李乂

青陽御紫微白雪下彤圍陝壤流天霈縣區灑帝輝水
如銀度燭雲似玉披衣為得因風起還來就日飛

又

徐彦伯

玉律藏冰候彤階飛雪時日寒消不盡風定舞還逐瓊
樹畱宸矚璇花入睿詞懸知穆天子黃竹謾言詩

又

蘇頌

平明啟帝居霰雪下陵虛寫月含珠綴從風薄綺踈年
驚花絮早春應管絃初已屬雲天外欣承霈澤餘

奉和遊苑遇雪應制

李嶠

散漫祥雲逐聖迴飄飄瑞雪遶天來不能落後爭飛絮

故欲迎前綻早梅

又

宋之問

紫禁仙輿詰旦來青旗遙倚望春臺不知庭霰今朝落
疑是林花昨夜開

又

劉憲

龍驂曉入望春宮正逢春雪舞東風花光併灑天文上
寒氣行銷御酒中

奉和洛陽翫雪應制

沈佺期

周王甲子旦漢后德陽宮灑瑞天庭裏驚春御苑中氛
氲生皓氣颯沓舞迴風宸藻光盈尺賡歌樂歲豐

奉和春日翫雪應制

宋之問

北闕彤雲掩曙霞東風吹雪舞山家瓊章定少千人和
銀樹長芳六出花

喜雪應制

宗楚客

飄飄瑞雪下山川散漫輕飛集九埏似絮還飛垂柳陌
如花更繞落梅前影隨明月團紈扇聲將流水雜鳴絃
共荷神功萬庾積終期聖壽百千年

野次喜雪

唐太宗

拂曉關行宮寒臯野望通繁雲低遠岫飛雪舞長空賦
象恒依物縈迴屢逐風為知勤恤意先此示豐年

奉和前聖製應制

張說

寒更玉漏催曉色御前開
泱泱雲陰積氛氲風雪迴
山如銀作甕宮見壁為臺
欲驗豐年象飄飄仙藻來

校獵義成喜逢大雪率題九韻以示羣臣

唐玄宗

孤矢威天下旌旗遊近縣
一面施烏羅三驅教人戰
暮雲積成雪曉色開行殿
皓然原隰同不覺林野變
北風勇士馬東日華組練
觸地銀聲出連山縞鹿見
月兔落高矰星狼下飛箭
既欣盈尺兆復憶磻溪便
歲豐將遇賢俱荷皇天眷

喜雪

同前

日觀卜先征時巡順物情
風行未備禮雲密遽飄霏
委樹寒花發紫空落絮輕
朝如玉已會庭似月猶明
既睹膚先合還欣尺有盈
登封何以報因以謝功成

奉和前聖製應制

張說

聖德與天同封巒欲報功
詔書期日下靈感應時通
觸石雲呈瑞含花雪告豐
積如沙照月散似麵從風
舞集仙臺上歌流帝樂中
遙知百神喜灑路待行宮

又


徐安貞

西宮齋祭近登臨雨雪紛紛
天晝陰祗為經寒無瑞色

頓教正日滿春林蓬萊北上旌門暗花萼南歸馬跡深
自有三農歌帝力還將萬庾答天心

以上俱
天文

苑詩類選卷之六



自存三
...

